

daj, zo tebi z wjeselom a z wyskanjom napřećiwo wołamy: Khwaleny budź, kiž přińdže w mjenje teho Knjeza! Hoziana we wysokosći! Hamjeń.

3.

O Knježe Khryšće, džensa so zdobnje khřescíjanstwo wjeseli, dokelž twój swjaty přichod swjećimy. Cyrkej jako twoja njewjesta wyska, dokelž ty, jejny njobjeski nawoženja, k njej džeš. My wowcy twojeho stadła so zradujemy, zo ty, pastyrjo a biskopje našich dušow, w srjedza bjez nami twoje hnadne bydlenje widžeć dawaš. My khudži so wjeselimy, dokelž ty, hač runje bohaty knjez, tola tak bratrowscy z wulkimi krasnymi darami k nam přiřhadžeš. My khori smy wjeseli, dokelž ty nas wopytuješ, zbóžny lěkarjo wšitkich ludži. Ach, Knježe, njehnuj so wot nas ze swojej hnadu, daj nam čas twojeho hnadneho domapytanja džakomnje póznać, a twój přichod budź nam kóždy króc hnady poľny a zbóžny. Přiřhadžej wšědnje k nam do našich cyrkwjow, do našich šulow, do wuradžo-